



KEMENTERIAN PERLADANGAN DAN KOMODITI

**GARIS PANDUAN PERMOHONAN PENGECUALIAN
PENGUNAAN ADUNAN BIOBAHAN API DENGAN
BAHAN API LAIN DI BAWAH
AKTA INDUSTRI BIOBAHAN API MALAYSIA 2007
[AKTA 666]**

**Bahagian Biobahan Api
Kementerian Perladangan Dan Komoditi**

2022

SENARAI KANDUNGAN

BIL	PERKARA	MUKA SURAT
1.	TUJUAN	2
2.	LATAR BELAKANG	2
3.	PEMAKAIAN	3
4.	PELAKSANAAN PROSES PERMOHONAN PENGEQUALIAN PENGGUNAAN ADUNAN BIOBAHAN API DENGAN BAHAN API LAIN	3
5.	JAWATANKUASA PENGEQUALIAN PENGGUNAAN MANDATORI BIOBAHAN API	6
6.	PENGEQUALIAN	7
7.	PEMBATALAN	7
8.	TARIKH KUAT KUASA	8

**GARIS PANDUAN PERMOHONAN PENGECUALIAN
PENGUNAAN ADUNAN BIOBAHAN API DENGAN BAHAN API
LAIN DI BAWAH AKTA INDUSTRI BIOBAHAN API MALAYSIA 2007
[AKTA 666]**

TUJUAN

1. Garis Panduan ini disediakan bagi memberikan panduan kepada pemohon dan pihak yang terlibat dalam proses permohonan pengecualian penggunaan adunan biobahan api dengan bahan api lain.

LATAR BELAKANG

2. Dasar Biobahan Api Negara telah dilancarkan pada tahun 2006 sebagai kerangka hala tuju pembangunan sektor biobahan api negara. Akta Industri Biobahan Api Malaysia 2007 [Akta 666] telah berkuat kuasa pada 1 Ogos 2008¹ dan memperuntukkan mengenai penggunaan mandatori biobahan api, pelesenan aktiviti yang berhubungan dengan biobahan api dan apa-apa perkara yang berkaitan dan bersampingan dengannya.

3. Seksyen 53 Akta 666 memberi kuasa kepada Menteri yang dipertanggungjawabkan dengan tanggungjawab bagi biobahan api untuk mengecualikan mana-mana orang atau golongan orang atau apa-apa aktiviti atau golongan aktiviti daripada semua atau mana-mana peruntukan Akta 666 atau apa-apa perundangan subsidiari yang dibuat di bawah Akta 666. Pengecualian tersebut adalah tertakluk kepada apa-apa terma dan syarat yang difikirkan patut dikenakan oleh Menteri yang

¹ Penetapan Tarikh Permulaan Kuat Kuasa [P.U.(B) 331/2008]

berkenaan ke atas mana-mana orang atau golongan orang atau apa-apa aktiviti atau golongan aktiviti tersebut.

4. Permohonan pengecualian penggunaan adunan biobahan api dengan bahan api lain yang dinyatakan dalam Garis Panduan ini adalah berdasarkan kepada undang-undang yang disenaraikan di **Lampiran A**.

PEMAKAIAN

5. Garis Panduan ini terpakai kepada mana-mana orang atau golongan orang atau apa-apa aktiviti atau golongan aktiviti yang menggunakan adunan biobahan api dengan bahan api lain dalam menjalankan apa-apa aktiviti yang menggunakan mesin, jentera, dandang atau sebarang peralatan berenjin diesel.

PELAKSANAAN PROSES PERMOHONAN PENGECUALIAN PENGGUNAAN ADUNAN BIOBAHAN API DENGAN BAHAN API LAIN

6. Permohonan pengecualian penggunaan adunan biobahan api dengan bahan api lain akan diproses berdasarkan **Carta Aliran: Permohonan Pengecualian Penggunaan Adunan Biobahan Api Dengan Bahan Api Lain di bawah Akta 666** seperti di **Lampiran B**. Proses-proses tersebut dijelaskan dalam perenggan-perenggan seperti di bawah:

- (a) mana-mana orang atau golongan orang yang berhasrat untuk memohon pengecualian daripada menggunakan adunan biobahan api dengan bahan api lain perlu mengemukakan

permohonan kepada urus setia Jawatankuasa Pengecualian Penggunaan Mandatori Biobahan Api (“urus setia JKPBBA”), Kementerian Perladangan dan Komoditi (“KPK”) dengan melengkapkan **Borang Permohonan Pengecualian Penggunaan Adunan Biobahan Api Dengan Bahan Api Lain** seperti di **Lampiran C** (“Borang Permohonan”);

- (b) Borang Permohonan yang telah lengkap diisi dan ditandatangani perlu dikemukakan kepada urus setia JKPBBA sama ada secara serahan tangan, elektronik atau faks ke alamat, alamat e-mel atau nombor faks seperti yang berikut:

Setiausaha Bahagian
Bahagian Biobahan Api
Kementerian Perladangan dan Komoditi
No. 15, Aras 8, Persiaran Perdana, Presint 2,
Pusat Pentadbiran Kerajaan Persekutuan,
62654 PUTRAJAYA

E-mel : jkpbba@kpk.gov.my

Faks : 03-8887 8354

- (c) urus setia JKPBBA akan memaklumkan penerimaan permohonan kepada pemohon dalam tempoh tiga (3) hari bekerja setelah urus setia JKPBBA membuat semakan sama ada permohonan yang dikemukakan lengkap atau tidak lengkap;
- (d) sekiranya permohonan yang dikemukakan tidak lengkap, urus setia JKPBBA akan memaklumkan kepada pemohon mengenai status permohonan yang tidak lengkap tersebut dan pemohon perlu melengkapkan permohonan tersebut;

- (e) pemohon hendaklah mengemukakan sebarang maklumat atau dokumen tambahan sekiranya diminta berbuat demikian oleh urus setia JKPBBBA;
- (f) hanya permohonan yang lengkap sahaja akan diproses oleh urus setia JKPBBBA;
- (g) permohonan yang lengkap akan dikemukakan kepada Jawatankuasa Pengecualian Penggunaan Mandatori Biobahan Api (“JKPBBBA”) untuk pengesyoran (*recommendation*);
- (h) syor daripada JKPBBBA akan dikemukakan kepada Ketua Setiausaha KPK (“KSU”) untuk perakuan;
- (i) syor yang telah diperakui oleh KSU akan dikemukakan kepada Yang Berhormat Menteri (“YBM”) untuk pertimbangan dan keputusan sama ada untuk melulus atau menolak permohonan atau apa-apa keputusan lain yang difikirkannya sesuai dan wajar;
- (j) sekiranya YBM meluluskan permohonan tersebut, suatu perintah pengecualian hendaklah disiarkan dalam *Warta* dan surat pemakluman keputusan berserta salinan perintah pengecualian yang diwartakan tersebut akan dikemukakan kepada pemohon; dan
- (k) sekiranya YBM menolak permohonan tersebut, surat pemakluman keputusan penolakan akan dikemukakan kepada pemohon.

JAWATANKUASA PENGECCUALIAN PENGGUNAAN MANDATORI BIOBAHAN API

7. JKPBBBA ditubuhkan bagi menasihati YBM melalui pengemukakan syor berhubung dengan keputusan yang wajar dibuat oleh YBM ke atas permohonan pengecualian penggunaan adunan biobahan api yang dikemukakan oleh pemohon. JKPBBBA terdiri daripada ahli-ahli yang berikut:

- (a) Setiausaha Bahagian Biobahan Api;
- (b) wakil Lembaga Minyak Sawit Malaysia (MPOB);
- (c) wakil Jabatan Kerja Raya (JKR);
- (d) wakil Perbadanan Perusahaan Kecil dan Sederhana Malaysia (SME Corp);
- (e) wakil Persekutuan Pengilang-Pengilang Malaysia (FMM);
dan
- (f) ahli lain yang difikirkan perlu bagi membantu menilai permohonan tertakluk kepada persetujuan oleh KSU.

8. Tanggungjawab JKPBBBA adalah seperti yang berikut:

- (a) memastikan maklumat yang dikemukakan oleh pemohon adalah benar serta mematuhi peruntukan Akta 666 atau apa-apa perundangan subsidiari yang dibuat di bawah Akta 666;
dan
- (b) mengemukakan syor untuk pertimbangan dan keputusan YBM.

9. JKPBBBA akan bersidang secara fizikal atau dalam talian mengikut keperluan dengan korum minimum sekurang-kurangnya tiga (3) ahli JKPBBBA.

10. Urus setia JKPBBBA akan memaklumkan tarikh yang sesuai kepada semua ahli JKPBBBA sebelum mesyuarat dijadualkan bersidang. Sekiranya mesyuarat JKPBBBA tidak dapat dijalankan secara fizikal atau dalam talian atau terdapat permohonan yang memerlukan keputusan segera, ahli JKPBBBA boleh mengemukakan syor masing-masing melalui usul edaran (*circular resolution*) kepada urus setia JKPBBBA.

PENGECUALIAN

11. Sebarang pengecualian daripada mana-mana peruntukan Garis Panduan ini hendaklah mendapatkan pertimbangan dan kelulusan daripada KSU.

PEMBATALAN

12. Dengan berkuatkuasanya Garis Panduan ini, Garis Panduan Permohonan Pengecualian Penggunaan Biobahan Api 2019 yang dikeluarkan pada 5 April 2019 adalah dibatalkan.

TARIKH KUAT KUASA

13. Garis Panduan ini berkuat kuasa mulai dari tarikh ia dikeluarkan.

**Ketua Setiausaha
Kementerian Perladangan dan Komoditi
10 Januari 2022**